

唐
餘
紀
傳

唐餘紀傳序

唐餘者李唐氏三百年世祚
之餘也得四百年而止昭列立
於益州為得之餘因步五十年
而止蒲登國於江陵為因求之
餘唐氏統治四方傳祀三百

王佑而後宋溫篡弒唐遂亡李
莊宗名貞厚而沙陀則能數
明宗號續組而養子公能孫
天祚弗弔唐燔靡能幸而昇以
憲宗之兄同建王之女崎嶇流竄
養子海氏經營勤穡三十餘

年而妃有江陰數十州之地罪
國鑽竊歸姓于李立唐七廟
上祀神堯舜名訊實蓋擬諸
蜀漢而所企儼諸江陵特優
者也自歐陽氏作五代史金以
正統稱之偏閩之國故生於

南唐例之僭偽並之楚越生公
名而弗主也也字而弗殂嗚呼
斯亦至矣夫夫史遷之立紀傳
蓋謂君國者生之而殂其
體安者繫之而月而名紀至
人之始終生事皆故述其所傳

者備諸管牒而名傳至於世宗
三代封國穆親疎不同而比自神
明之由而考之沒祿姓受土者
有宗戈故本其所自而立名其
沿則周之吳魯晉齊有諸國是也
歐陽氏以吳越荆楚受命也

朝列之世家所至可至舉年當
時抗敵之國若南唐有自漢例
名方家不以此事實欽借謂
昇之稱唐於故國則族屬如
在當時公僭仍如若事涉他
正策難曲隨然公楚心其為

其言又如正其為漢帝其在綱
目亦可議乎且宋梁以盜賊後唐
晉漢以夷狄而周以平僭崛起
類同篡弒而踵固能神昭之後
此有拯戈之功也後為正統金
其帝王之子以偏授鄙為

儲偽之國其與帝魏而冠蜀者
不等為數見哉南唐書亡遠矣
矣秋官馮先生誦宰多邑間示
予以殘本且曰是雖舛編偽遂為
良書其書伶梓予心又而總繹
去昔之化者以得於蘇軾相

之言謂本紀不足以定帝制
遂於三王之事實補本紀而
補之揭之山崩之制全用一統
之法雖特增歐史之偏然未協
綱目其統平書之例高居之
脈因綱羅較遺補輯殘闕去

外訂是別爲一書私謂宋素之
末內附于周後主之子或貢于
宋君稱國主配稱國后其自
貶之者年所錄之政世宗之稱
太後少遜帝紀之目三主妃末
完爲國紀五人行實類爲列傳

有以論辨之而附其下名其編
曰春秋紀傳解古伐古立義而
死作者未暇顧也嗚呼商周而
去先代之後備為三恪故遺經
之名世之自而立漢魏而下亡國
之有前乃為仇讎故遺經之緒

幸其少存君子觀者解之思
周宋而太宗太祖之君庶有
見乎

嘉靖二十三年春在甲辰秋
九月吉陳霆聲伯甫公子

水南書院

唐餘紀傳目錄

國紀三卷

第一

先主

第二

中主

第三

後主

列傳十五卷

第一

宋齊丘

第二

周宗

李德誠

李遠勳

周本子鄰

馬仁裕

徐玠

第三

刁彥能

王崇文

游簡言

杜業

張延翰

徐清

劉承勲

第四

張易

嚴續

蕭儼

常夢錫

江文蔚

張義方

李貽業

第五

徐鍇

高越

韓熙載

龔慎儀

潘佑

喬匡舜

蒯鰲

盧郢

第六

馮延巳

馮延魯

陳覺

李徵古

第七

魏岑

查文徽

鍾謨

李德明

李平

盧緯

第八

江夢孫

陳起

睦昭符

潘承祐

歐陽廣

汪煥

第九

王會

王輿

何敬洙

李金全

柴克宏

盧文進

宋唐鑑紀傳
宋目錄三十一

朱匡業

王彥儔

皇甫暉

孟堅

陳誨

林仁肇

申屠令堅

第十

邊鎬

王建封

劉彥貞

郭廷謂

皇甫繼勳

鄭彥華

朱令贇

第十一家八傳

先主元敬皇后宋氏

先主夫人种氏

中主光穆皇后鍾氏

後主昭惠國后周氏

後主繼國后周氏

後主保儀黃氏

後主宮嬪流珠氏 喬氏

先主諸子

楚王景遷

晉王景遂

齊王景達

江王景遷

女永興公主

中主諸子

弘冀

弘茂

從善

從鑑

從謙

女芳儀

後主二子

仲寓

仲宣

第十二忠節傳

孫晟

劉仁贍

張彥卿

附鄭

李延鄒

陳喬

廖居素

廖澄

鍾禧

張雄

胡則

第十三義行傳

廖偃

并彭師

鄭文寶

李元清

鍾離君

陳褒

第十四 隱逸傳

史虛白

陳况

張陳二將

沈彬

陳曙

陳陶

毛炳

許堅

第十五 藩附傳

王延政

留從効

馬希萼

弟希崇

第十六 列女傳

鄭氏

吳媛

聶氏

第十七 方技傳

吳廷紹

潘宸

李廷珪

譚紫霄

木手

耿先生

裴長史

第十八 伶人傳

申漸高

揚花飛

李家明

李冠

第十九別傳

徐鉉

殷崇義

張洎

張似

周惟簡

查元方

第二十志畧

疆土

第二十一附錄

契丹

高麗

東錄紀傳目錄

居餘紀傳卷第一

吳興陳霆脩

國紀第一

先主名昇字正倫小字彭奴姓李氏唐憲宗第八子建王恪之玄孫恪生超早卒超生志仕爲徐州判司卒官因家焉志生榮榮性謹愿喜從浮屠游時號李道者以光啓四年十二月二日生先主于彭城六歲而孤遇亂伯父球携之避地至濠州未幾母劉氏卒先主遂托跡于濠之

開元寺乾寧二年淮南節度使楊行密出兵濠
上得而竒之養以爲子行密長子渥惡之不以
爲兄弟行密乃以與大將徐溫曰是兒狀貌非
常吾度吾子終不能容今以乞汝遂冒姓徐氏
名知誥先主事溫盡子道溫妻李氏以其同姓
鞠養如已子及長身踰七尺方額隆準脩上短
下語聲如鍾精采鑠人常緩步而從者疾行莫
能及溫有疾與其婦晨夜侍旁不去或時觸溫
怒撻而逐之厥明復拜于前溫驚曰汝仍來此

耶則泣曰人子捨父母將安之以是泣益加愛
行密亦謂溫曰知誥雋傑諸將子皆不逮也天
祐六年六月自元從指揮使遷昇州防遏使兼
樓船軍使治戰艦于昇七年五月授昇州副使
知州事九年副柴再用平宣州以功遷昇州副
史時江淮初定守令皆武夫專尚軍旅先主獨
褒廉吏課農桑求遺書招延四方士大夫傾身
下之雖以節儉自勵然輕財好施無所愛吝以
宋齊丘王令謀王勰主謀議曾禹張洽孫晟徐

融爲賓客馬仁裕周宗曹棕爲親吏十一年加
檢校司徒始城昇州十四年五月城成溫來觀
喜其制度壯麗徙治焉而以先主爲檢校太保
潤州團練使先主本欲宣州不悅時溫子知訓
以內外馬步都軍副使專制楊氏驕淫失衆衆
齊丘納說曰知訓旦暮且敗是行天所贊也十
五年朱瑾殺知訓馬仁裕自蒜山渡馳告先主
即日帥師入廣陵定亂遂代知訓秉政勤儉寬
簡尽反知訓之舊上下悅服吳主建國以先主

爲左僕射叅政事國人謂之政事僕射時乘
亂之後魯未期歲紀綱憲度粲然並舉溫雖遠
執國政而人情頗已歸于先主有徐玠者事溫
爲金陵行軍司馬工揣摩捭闔密說溫曰居中
輔政豈宜假之他姓請更用嫡子知詢先主刺
知皇恐表乞罷政事出鎮江西表未上而溫疾
亟遂止溫卒知詢嗣爲金陵節度使諸道副都
統數與先主爭權先主乃使人誘之來朝留爲
左統軍悉奪其兵而先主以太尉中書令出鎮

金陵如溫故事吳命先主開大元帥府置僚屬
進封齊王用天子制度改名誥吳天祚二年冬
十月吳主禪位于我甲申先主立改是年爲昇
元元年國號齊以十二月二日爲仁壽節尊吳
主爲高尚思玄弘古讓皇帝上冊稱受禪老臣
誥追尊義考溫爲太祖武皇帝丙申以平章事
張延翰爲右僕射兼門下侍郎同平章事門下
侍郎張居詠中書侍郎李建勲皆爲同平章事
以建康爲西都廣陵爲東都改尚書省爲尚書

都省東都尚書省爲留守院丙戌改齊明門爲
朝元門丁亥封弟知證爲江王知諤饒王戊子
降吳太子璉爲弘農郡公辛卯降吳建安王珙
江夏王璘等十一人爵一等而加官增封邑詔
獄訟未經本處論決者毋得詣闕訴乙未降吳
公主爲國君甲午立王后宋氏爲皇后丙申封
女弟杞國君爲廣德長公主庚子遣使如漢閩
吳越荆南告即位辛丑追封吳歷陽公濛爲臨
川王謚曰靈以禮改葬戊申封子景通爲吳王

諸道副元帥判六軍諸衛事十一月庚戌朔改
東都舊第爲崇德宮癸丑改承宣院爲宣徽院
丙辰追冊故妃魏國君王氏爲順妃丁巳追封
次子景遷爲高平郡王長女爲豐城公主改辭
狀司爲清訟院封姪景邁爲晉陵郡公景遜上
饒郡公景邈桂陽郡公景逸平陽郡公女五人
封盛唐太和永興建昌玉山公主戊午封子景
逵爲吉王景達壽陽郡公以景遂爲東都留守
江都尹赴東都已未陞東都海陵縣爲泰州割

鹽城泰興如皋興化縣屬焉丁卯高從誨表請
置邸金陵從之己巳吳越使將軍袁韜來賀郎
位乙亥追封故高平王景遷妃吳上饒公主爲
燕國君謚貞莊十二月庚寅上太祖武皇帝陵
曰定陵追尊高祖以下皆爲公王而稱宗配皆
稱國君及妃墓皆稱陵惟武皇帝之配李氏曰
明德皇后

昇元二年春正月己酉朔日有食之避殿停朝
賀甲子荆南使龐守規來賀郎位甲戌詔臣僚

三品以上追贈父母將相贈三世二月壬戌閩使內客省使朱文進來賀即位夏五月讓皇廢請徙居南平王李德誠等亦引漢隋故事有請戊午改潤州州治爲丹陽宮以平章事李建勳充迎奉讓皇使己未漢使集賢殿學士鄒禹謨來賀即位甲寅徙讓皇居丹陽宮丁卯廣濟倉災焚米三十萬石作渾天儀六月甲申陞池州爲康化軍是月高麗使正朝廣評侍郎柳勲律來朝貢秋七月壬申以左丞相宋齊丘爲平章

事八月戊寅陞洪州瀟灘鎮爲清江縣不隸州
丁亥契丹使梅里捺盧古來聘冬十月丙子立
太學命刪定禮樂癸未新羅使來朝貢壬辰命
吳王景通勒步騎八萬講武于銅駝橋十二月
辛丑使命至丹陽宮俄而讓皇卒訃聞詔不視
朝二十七日率百官素服舉哀是歲景通改名
璟徙封齊王

昇元三年春正月庚戌江王知證饒王知諤表
請先主復姓李氏不許癸亥左丞相齊丘平章

事居誅建勲樞密使同平章事宗等表請復姓
甲子御札詳議復姓乙丑齊立等議宜如所請
從之丙寅至壬申齊王璟等三上尊號曰應乾
紹聖文武孝明皇帝不受詔曰迺者干戈相尋
地弗而不藝桑殞而弗蠶衣食日耗朕甚聞之
民有嚮風來歸者授之士田仍給復三歲二月
乙亥改太祖武皇帝廟號義祖己卯改國號唐
復姓李氏爲考妣發哀與皇后服縗居廬如始
喪禮持考妣喪各二十七日凡五十四日不視

朝壬午詔以國事委宋齊丘惟軍旅以聞群臣
固諫詔以墨纒聽政庚寅詔更名昇乙未契丹
使曷魯來以兄禮事我蜀使來賀即位追尊高
祖建王恪曰定宗孝靜皇帝配程氏曰貞靜皇
后曾祖超曰成宗孝平皇配崔氏曰平真妃祖
志曰惠宗孝安皇配盧氏曰安莊妃考榮曰慶
宗孝德皇帝配劉氏曰德恭皇后庚午作南郊
齋宮千間夏四月庚辰朝享于太廟辛巳有事
于南郊以高祖神堯皇帝配用上辛也大赦境

內百官進位將士勞賜有差民三年藝桑三千
本者賜帛五十疋每丁墾田及八十畝者賜錢
二萬皆五年勿收租稅群臣請上尊號詔曰朕
以眇躬託于民上常惧弗類以陞高祖太宗之
遺業群公卿士願欲舉上尊號之禮朕甚不取
其勿復以聞戊子進封李德誠趙王徐知誼韓
王知諤梁王辛亥進封景遂壽王景達宣城王
丙寅以齊王璘爲諸道兵馬大元帥丁未吳越
使左武衛上將軍沈誥文荆南高從誨使王崇

嗣來賀南郊是月作北郊于玄武湖西秋七月
校諸州所獻珍禽奇獸于鍾山命有司作昇元
格與吳令並行中外遵守自五月不雨至于閏
七月冬十月丁丑御後樓閱戰馬

昇元四年春二月詔罷營造力役毋妨農時三
月丁未頒中正曆曆官陳承勛所誤也丙戌漢
人闐人來聘夏五月晉安州節度副使李金全
來降六月癸亥罷宣州歲貢木瓜雜果太師中
書令趙王李德誠卒秋八月立齊王璟爲皇太

子仍兼大元帥錄尚書事璟固讓從之九月戊辰契丹使梅里掠姑米里未聘獻狐白裘冬十月壬寅以齊王璟讓儲位赦殊死以下京師賜酺內外諸軍優給禁表奏言聖睿二字違者以大不敬論乙巳詔幸東都命齊王璟監國庚戌駕自保德門御舟辛亥次迎銓鎮甲寅至東都入建元門感念疇昔泫然流涕丁巳遣使問東畿士民不能自存者已未高麗使廣評侍郎柳兢來貢方物十一月乙丑宴群臣于崇德宮故

第也以廳事爲光慶殿唐原改東都文明殿爲
乾元殿英武殿爲明光殿應乾殿爲垂拱殿朝
陽殿爲福昌殿積慶宮爲崇道宮西都崇英殿
爲延英殿凝華內殿前爲昇元殿後爲雍和殿
興祥殿爲昭德殿積慶殿爲穆清殿乙酉賜東
畿高年疾苦憫獨米人二斛十二月漢使都官
郎中鄭翺閩使客省使葛裕吳越使刑部尚書
楊巖來賀仁壽節丙申至自東都

昇元五年春二月己未殺泰州刺史褚仁規三

月戊辰契丹使來秋七月詔右僕射兼中書侍郎同平章事監脩國史李建勲罷歸私第八月遣使振貸黃州旱傷戶口是歲吳越水民就食境內遣使振卹安集之

昇元六年閏正月甲申朔改天長制置使爲建武軍庚寅漢使區延保來聘癸巳閩使尚食使林弘嗣來聘都下大水秦淮溢東都火焚數千家二月己丑以左丞相太保宋齊丘知尚書省事初齊丘累求預政許入中書視事又以兩省

事多委給事舍人劇務多在尚書省又求知者
事許之夏五月左丞相太保宋齊丘罷爲鎮南
軍節度使六月常宣歙三州大雨漲溢漢使蕭
規來告哀廢朝三日庚午契丹使掠姑米里來
聘獻馬五駒大蝗自淮北蔽空而至辛未命州
縣捕蝗瘞之辛巳禁節度刺史給攝署牒秋八
月甲申漢使法物使公孫惠來告襲位九月庚
寅頒昇元刪定條冬十月詔曰前朝失御四方
崛起者衆武人用事德化壅而不宣朕甚悼焉

三事大夫其爲朕舉用儒吏罷去苛政與吾民
更始十二月閩使徐弘績漢使滕紹英吳越使
右衛大將軍蔣璠來賀仁壽節

昇元七年春正月契丹使達羅干等二十七人
來聘獻馬三百羊三萬五千二月庚午先主殂
于昇元殿年五十六追尊光文肅武孝高皇帝
廟號烈祖塋永陵先主瀕殂謂齊王璟曰德昌
宮儲戎噐金帛七百萬汝守成業宜善交隣國
以保社稷吾服金石欲求延年反以速死汝宜

視以爲戒其始生長兵間知民厭亂在位七年
兵不妄動境內賴以休息性節儉常躡蒲屨用
鐵盆盥暑月寢殿施青葛帷左右宮婢裁數人
服飾樸陋建國之始卽金陵治所爲宮惟加鴟
尾設闌檻而已終不改作中主爲太子欲得杉
木作版障有司以聞報曰杉木固有之但欲作
戰艦以竹作障可也江淮間連年豐樂兵食盈
溢群臣多請恢拓境土則愀然曰吾少從軍旅
見兵之爲民害深矣誠不忍復言使彼民安吾

民亦安矣吳越國大火焚其宮室帑藏甲兵幾盡將帥皆言乘其弊可以得志一切拒而不聽遣使厚持金幣唁之仁厚恭儉務在養民有古賢主之風焉

論曰南唐先主以憲宗遺胤得國江左僅延一昧祖孫相繼纔四十年而宋滅之是殄唐之祀者不獨朱溫也宋承周後以周氏爲正統故於南唐謂其與故朝族屬不明紹續非正於是斥爲僭僞而貶其名號大抵主於紹

周故其立論如此疑未足憑也古所謂國維
境土褊小歷年不永然觀其聲明文物當時
諸國莫之與並其賢才碩輔固不逮蜀漢武
侯而文武才業忠節聲華炳耀一時者亦不
可揜矧其間政化得失興衰治亂之蹟有可
爲後世鑒戒者尤不可泯也方是時契丹雄
盛虎視中原晉漢之君以臣子事之惟謹碩
獨奉、於江淮小國聘使不絕高麗亦歲貢
方物豈非久服唐之恩信仰唐餘風以唐爲

唐餘紀傳卷一
猶未亡也耶然則唐餘之目當時既不以爲
非則後世亦難於終貶故予少仍前書之文
畧變綱目蜀漢繼統之例自先主而下列爲
國紀俾後之追脩前史者得有據焉

唐餘紀傳卷第二

吳興陳震脩

國紀第二

中主名璟字伯玉先主長子母宋皇后初名景通風度高秀工屬文起家駕部郎中累進諸衛大將軍先主爲齊王立爲王太子固讓先主受禪封吳王徙齊王昇元四年八月立爲太子復固讓曰前世以嫡庶不明故早建元良示之定分如臣兄弟友愛尚何待此先主爲下詔稱其

守廉退之風帥忠貞之節有子如此予復何憂
赦殊死以下臣民奉牋齊王如太子禮七年二
月先主病疽秘之人皆莫知庚午疾亟太醫吳
廷紹遣人密告中主馳入宮侍疾於東閣是夕
先主殂秘不發喪而下詔命中主監國大赦境
內頒賚有差丙子始宣遺詔

保大元年春三月己卯朔先主殂己旬日中主
猶未嗣位方泣讓諸弟奉化節度使周宗偕侍
中徐玠至柩前取衮冕衣中主曰大行付陛下

以神器之重豈得固守小節是日乃立于位大赦境內改元保大不待逾年改元識者非之百官進位二等將士皆有賜蠲民逋負租稅賜鰥寡孤獨粟帛尊皇后爲皇太后立妃鍾氏爲皇后以鎮南軍節度使宋齊丘爲太保兼中書令奉化軍節度使周宗爲侍中徙封壽王景遂爲燕王進宣城王景達爲鄂王閩使來吊祭升濠州爲定遠軍秋七月徙燕王景遂爲齊王鄂王景達爲燕王仍以景遂爲諸道兵馬元帥居東

宮景達爲副元帥詔示中外以兄弟傳國之意
八月乙卯封弟景遏爲保寧王冬十月嶺南妖
賊張遇賢犯虔州詔洪州營屯都虞候嚴恩帥
師討之以通事舍人邊鎬監其軍擒遇賢及其
黨黃伯雄曹景全斬于金陵市餘賊悉平十二
月以太保中書令宋齊丘爲鎮海軍節度使
保大二年春正月侍中周宗罷爲鎮南軍節度
使左僕射兼門下侍郎平章事張居誅罷爲鎮
海軍節度使辛巳詔齊王景遂總庶政惟樞密

副使魏岑查文徽得奏事餘非召對不得見初
先主尤愛景遂中主奉先志欲傳以位故有是
詔宋齊丘蕭徹皆上書切諫侍衛都虞候賈崇
叩閣請見曰臣事先皇三十年孜、詢察下情
猶患壅隔今陛下始即位所委何人而頃與臣
下踈絕因嗚咽流涕中主感悟命坐賜食遂枚
所下詔夏五月閩朱文進弑其君曦自稱閩王
遣使來告詔囚其使將討之議者謂閩亂由王
延政當先討乃釋閩使遣還秋九月庚午朔日

有食之冬十二月樞密使查文徽請討王延政
詔以文徽爲江西安撫使俾覘建州文徽固請
濟師乃以邊鎬爲行營招討共攻延政敗績于
蓋竹

保大三年春二月以何敬洙爲福建道行營招
討祖全恩爲應援使姚鳳爲諸軍都監會查文
徽進討秋八月甲子朔日有食之是月克建州
執王延政送金陵拜羽林大將軍升建州爲永
安軍是歲升建州延平津爲劍州

保大四年春正月以青陽公宋齊丘爲太傅中書令封衛國公以李建勳爲右僕射兼門下侍郎與中書侍郎馮延巳皆平章事夏五月以樞密使陳覺爲宣諭使諭福州李弘義入朝不克覺擅發汀建撫信等州兵攻之事聞遂命王崇文魏岑馮延魯會攻福州秋九月詔除民田稅冬十月諸軍會圍福州

保大五年春正月立齊王景遂爲大弟徙封燕王景達爲齊王兼諸道兵馬元帥徙南昌王弘

冀爲燕王鎮閬州三月晉密州刺史皇甫暉棣
州刺史王建俱來奔是月契丹滅晉使來告捷
且請會盟于境上辭不赴遣使聘之遂請差官
如長安脩奉唐帝諸陵契丹不許吳越遣兵救
福州至自海道我師與戰敗績夏四月詔即軍
中斬陳覺馮延魯宋齊丘申救乃詔械覺延魯
還都既至貸死止從流貶五月契丹棄中原遁
歸詔出師經營北方已而聞漢主立乃止初以
李金全爲北面行營招討使及是罷師金全猶

帶銜不革秋八月太傅中書令宋齊丘罷爲鎮南軍節度使

保大六年夏六月庚寅朔日有食之秋九月漢李守貞叛據河中遣使間道表求援師以鎮海軍節度使李金全爲北面行營招討使救河中師次沂州冬十月師還

保大七年春正月淮北盜起以神衛都虞候張峦散騎常侍張義方率師招捕降漢亳州蒙城鎮將咸師朗等以歸夏六月壬辰朔日有食之

冬十月我師渡淮攻正陽敗績十二月留從効
擅泉州其兄從願復殺漳州刺史董思安據州
以附于從効我不能討因升泉州爲清源軍以
從効爲節度使

保大八年春正月李金全始罷北面行營招討
使秋八月福州遣諜者詣建州留後查文徽告
吳越戍卒作亂咸棄城去文徽信其言遂襲福
州大敗被執別將劍州刺史陳誨以戰棹敗福
州兵執吳越將馬先進歸于金陵遣使歸馬先

進于吳越求還查文徽吳越毒而歸之秋九月
楚朗州節度使馬希萼表求濟師詔許應援仍
賜以鄂州今年租稅命楚州團練使何敬洙帥
師應之冬十一月甲子朔日有食之十二月馬
希萼攻陷潭州弑其君馬希廣楚將李彥溫劉
彥瑫各以千人來歸

保大九年春正月楚王馬希萼使掌書記劉光
翰來貢方物三月壬戌朔以右僕射孫晟客省
使姚鳳爲楚王策禮使淮南饑夏六月楚靜江

軍指揮使王逵執朗州節度使馬光惠歸于金陵推辰州刺史劉言爲朗州留後來請命秋九月楚馬希崇廢其君希萼而自立以洪州營屯都虞候邊鎬爲湖南安撫使師出萍鄉以定楚亂冬十月壬寅武安留後馬希崇與馬希萼相繼降鎬入潭州癸丑武昌節度使劉仁贍率丹師取岳州湖南遂平南漢來攻陷郴州周亮用節度使慕容彥超來乞援師許之

保大十年春正月陞洪州高安縣爲筠州以清

江萬載上高三縣隸焉援兗州之師敗績于沐陽周人執我指揮使燕敬權二月周人歸燕敬權使來言曰吾賊臣背叛爾國助之豈長計哉且使潁州團練使郭瓊遺我壽州節度使劉彥貞書曰自古有國皆惡叛臣貴邦何爲常事招誘吳中多士無乃淺謀時愧其言以翰林學士江文蔚知禮部貢舉放進士王克貞等三人及第旋復停貢舉三月以太弟太保馮延巳爲左僕射前鎮海節度使徐景運爲中書侍郎及右

僕射孫晟並同平章事南漢初乘楚亂據其桂
宜等州及是將取之以知全州張忞兼桂州招
討使夏五月丙戌朔日有食之命統軍侯訓帥
五千人會張忞攻桂州敗績于城下訓死之
收餘衆保全州周興順指揮使白進福以族素
歸秋九月召朗州劉言入朝冬十月劉言將王
逵周行逢攻潭州壬辰拔益陽寨戍將李建期
死之丙申潭州節度使邊鎬棄城遁辛丑劉言
將蒲公益攻岳州刺史宋德權監軍任鎬棄城

道十一月劉言盡據故楚地詔流邊鎬于饒州
斬宋德權任鎬于太社裨將申洪太尹建斬于
都門外平章事馮延巳孫晟皆罷爲左右僕射
十二月洪州大都督楚王馬希萼來朝留不遣
是歲大旱

保大十一年春三月以左僕射馮延巳同平章
事金陵火逾月焚官寺民廬數千間復設貢舉
夏六月不雨井泉涸竭淮流可涉旱蝗民饑流
入周境冬十月築楚州白水塘以溉屯田遂詔

州縣陂塘堙廢者皆脩復之緣是力役存興楚
州常州爲甚朝遣近侍車延規董其役發洪饒
潤等州民牛以往吏緣爲姦姦強奪民田爲屯田
江淮騷動窮民以數丈竹去節焚香於中仰天
訴冤者不可勝計知制誥徐鉉因奏事白之宣
旨詰曰吾國兵數十萬安能不食捍邊事關大
利頃舉國排之何也鉉又力陳其弊乃詔鉉行
視利害鉉至楚州悉取所奪田還民詰責車延
規欲榜之百姓感悅在廷左右交譖以爲擅作

威福遠觸上怒趣歸將沉之江既至怒少解流
鉉舒州而白水塘役亦賴以止

保大十二年春二月命吏部侍郎朱輦知禮部
貢舉自十一年六月至于今年三月大饑疫
州縣鬻粥食餓者秋七月契丹使其舅來聘
宴清風驛盜斬其首以去捕之不得後知爲周
將荆罕儒所遣自是契丹遂不至

保大十三年春二月以中書侍郎知尚書省嚴
續爲門下侍郎平章事夏六月周攻秦鳳蜀遣

間使來告難周遂下詔罪狀我遣將李穀王彥
超韓令坤等侵我淮南攻自壽州詔以神武統
軍劉彥貞爲北面行營都部署帥師三萬赴壽
州奉化節度使同平章事皇甫暉爲北面行營
應援使常州團練使姚鳳爲應援都監帥師三
萬屯定遠縣召鎮南節度使宋齊丘入朝謀難
冬十二月以安定郡公從嘉爲沿江巡撫使是
歲天裂東北其長二十丈

保大十四年春正月壬寅周主自將來伐劉彥

其與其師戰于正陽敗績彥貞亡歿二月周師
蕭道襲清流關皇甫暉退保滁州周師破城俘
暉及姚鳳以歸壬戌遣泗州牙將王承朗奉書
至徐州請成于周稱唐皇帝奉書願以兄事歲
輸方物太弟景遂亦移書周將帥皆不報已耶
遣翰林學士鍾謨文理院學士李德明使周奉
表至下蔡行在貢金器千兩銀器五千兩錦綺
紋帛二千疋及御衣犀帶茶藥又奉牛五百頭
酒二千石犒師請罷兵不聽乙酉周師陷東都

執副留守馮延魯丁亥左神衛使徐象等十八人自壽州奔周天長制置使耿謙以城降于周遣園苑使尹廷範護遷讓皇之族于潤州廷範殺其男子六十人誅廷範以謝國人周師陷秦州刺史方訥棄城遁遣間使求援于契丹至淮北爲周人所執吳越乘間攻常州宣州靜海鎮置使姚彥洪奔吳越三月遣司空孫晟及礼部尚書王崇質使周請去帝號禮同外臣周主未許光州兵馬都監張廷翰以城降于周刺史張

紹遁還丁酉周師陷舒州刺史周弘祚死之斬
州將李福殺知州王承雋降于周戊戌天成軍
使蔡暉自壽州奔周上師陷和州詔斬李德明
於都市坐奉使請割地也吳越陷常州之郭執
團練使趙仁澤遣龍武都虞候柴克宏救常州
壬子大敗吳越之師斬獲萬計俘其將數十至
潤州燕王弘冀悉斬之壬戌壽州軍校陳延貞
等十三人奔周是月命諸道兵馬元帥齊王景
達率師拒周夏四月復泰州五月周主北還秋

七月復東都并舒蘄光 and 滁州惟壽州之圍愈急冬十月周主害我行人孫晟及其同事者二百人獨貸鍾謨以爲耀州司馬是歲詔省淮南民田之被奪爲屯田者

保大十五年春二月乙亥周主復自將來伐齊王景達自濠州遣邊鎬許文禎朱元帥兵數萬救壽州景達用監軍使陳覺言奪朱元兵以楊守忠代之元遂舉寨降周裨將時厚卿獨不從見殺壬辰周師尽破我諸寨執邊鎬許文禎楊

守忠餘衆悉奔潰景達亦遁歸金陵是役也所
喪四萬人三月誅朱元妻子丁未壽州劉仁贍
病革副使孫羽等代仁贍署表降辛亥書晦雨
沙劉仁贍卒夏四月周主北還冬十一月周主
仍親來伐十二月濠州刺史郭廷謂泗州刺史
范再遇皆舉城降周時東都勢不能守遣使焚
其官寺民廬徙其民于江南周師遂入揚州丁
丑周師攻陷泰州都城大火一日數發

交泰元年春正月丙戌周師陷海州壬辰周師

陷靜海軍丁未陷楚州防禦使張彥卿兵馬都
監鄭昭業死之周師屠城焚廬舍殆盡周師次
雒州刺史易文贊舉城降州天長縣也三月大
赦境內改元交泰以太弟景遂爲天策上將軍
徙封晉王立燕王弘冀爲太子叅治朝政丁亥
周主次楊州辛卯至迎銓鎮壬辰耀兵江中將
遂南渡舉國震懼乃遣樞密使陳覺獻方物表
請傳位太子以國內附周主始答璽書稱皇帝
致書敬問江南國主乙未遣閤門承旨劉承遇

表稱唐國主盡獻江北州縣之未陷者鄂州漢陽汝川縣在江北亦割獻焉歲輸土貢數十萬而乞海陵鹽監南屬不許後歲給贍軍鹽三十萬石庚子周主貽書于我兄其奉正朔而止其傳位太子甲辰遣平章事馮延巳等使周犒師及買宴自是聘獻于周表稱國主用其顯德年號在本國則仍舊稱是歲改名景避周廟諱也丁未左僕射平章事馮延巳罷爲太子太傅門下侍郎平章事嚴續罷爲太子少傅已酉周

主遣太府卿馮延魯衛尉少卿鍾謨餉國主御衣金玉帶錦帛羊馬及犒軍帛十萬凡將士被俘者皆遣還凡五千七百五十人冬十月馮延魯許文稹邊鎬周廷構皆自周放還置不復用十二月己亥暴宋齊丘陳覺李徵古罪放齊丘歸九華山覺安置饒州徵古削官爵覺與徵古尋皆賜死

交泰二年春正月宋齊丘幽死秋七月鑄大錢一當十文曰永通泉貨與舊錢並行又鑄唐國

通寶錢二當開通錢之一九月丙午太子弘冀卒冬十一月建洪州爲南都南昌府

交泰三年春正月宋太祖皇帝受周禪放降將三十四人來歸是月遣使蒞誅鍾謨于饒州誅張巒于宣州二月始鑄鉄錢三月遣使賀宋主即位秋七月遣禮部郎中龔慎儀朝于宋進乘輿服御物自是歲獻頻數費以萬計冬十月宋楊州節度使李重進拒命使來乞援不許十一月丁未宋平楊州遣右僕射嚴續犒師蔣國公

從鑑戶部侍郎馮延魯朝宋主于行在

交泰四年春二月遷都于南昌府立吳王從嘉
爲太子留金陵監國壬午發行旌麾仗衛六軍
百司凡千餘里不絕所過勞問高年疾苦大宴
于當塗至宋家汭暴風飄龍舟幾至北岸翌日
從官皆乘輕舟奔問三月至南都宋主以我遷
都遣通事舍人王守貞來勞問初南都迫遷諸
凡草創至是規制迫隘上下不能容群心思歸
於是退朝之暇北望金陵恒鬱_レ不樂澄心堂

承旨秦承祿常引屏風障之復議東遷未及行而寢疾不復進膳惟啜蔗漿嗅藕華六月乙未疾革親書遺旨留葬西山累土爲堵每延醫治且曰違吾言非忠臣孝子父有大星墮于南都庚申殂于長春殿年四十六後主不忍從遺命迎梓宮還都秋八月至金陵丁未殯于宮中萬壽殿遣使告哀于宋請復帝者之禮追尊明道崇德文宣孝皇帝廟號元宗葬順陵元宗多才藝好讀書便騎射在位幾一十年慈仁恭儉禮

賢睦族愛民字孤裕然有人君之受少喜栖隱
嘗築館于廬山瀑布前蓋將終焉迫於紹襲竟
弗遂自以唐室苗裔誅於斥大境土之說及福
州湖南再喪師知攻取之難始議弭兵務農或
曰願陛下十數年不復用兵應曰兵將終身不
用何十數年之有會周師大舉屬時老將雄兵
類多零謝諸所寄任大率其人折北不支至於
戲國降號憂悔而殂悲夫

論曰中主舉閭閻之師境內虛耗及契丹滅

晉中原有隙可乘而南唐兵力國用既已弗
支熟視而不能出世以爲恨予謂不然唐有
江淮視同時割據諸國地大力強人材衆多
且據長江之險隱然大邦也君用得其人乘
閩楚昏亂一舉而平之然後東取吳越南下
五嶺南北之勢既成則北方雖欲睥睨豈易
動哉柰何書生主兵庸將失律貪倖冒進遂
使大事弗成國勢頽弱然則非始謀之失所
任寄者非人也且陳覺馮延魯之徒用師閩

楚尚爾喪敗使其無是二舉爲之懲創倚吾
國力輕躁妄動與夫秦晉趙魏之師戰于中
原角一旦勝負吾知主俘國墟不在於開寶
之世矣故吾於中主之世既嘆其勞師弱國
而坐失中原之機亦幸其識時自守而少延
江南之祚

唐餘紀傳卷第二